



## საქართველოს იუსტიციის უმაღლესი საბჭო

ქ. თბილისი № 1/80

“ 17 ” ივნისი 2021 წ.

### ბ ა ნ კ ა რ ბ უ ლ ე ბ ა

**ნ. ჯოხაძის ქუთაისის საქალაქო სასამართლოს სისხლის სამართლის საქმეთა კოლეგიის მოსამართლის თანამდებობაზე უვადოდ გამწესების შესახებ**

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ნანა ჯოხაძე 2021 წლის 18 ივნისიდან გამწესდეს ქუთაისის საქალაქო სასამართლოს სისხლის სამართლის საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

**დასახუთება**  
**ნანა ჯოხაძის ქუთაისის საქალაქო სასამართლოს**  
**მოსამართლის თანამდებობაზე დანიშვნის თაობაზე**

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის ქუთაისის საქალაქო სასამართლოს სისხლის სამართლის საქმეთა კოლეგიის მოსამართლის 1 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 8 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ნანა ჯოხაძეზე მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

**კანდიდატის შესახებ მოძიებული ინფორმაცია:**

ნანა ჯოხაძეს აქვს სპეციალობით მუშაობის 24-წლიანი, მათ შორის მოსამართლედ მუშაობის 5 წლის გამოცდილება. იგი 2016 წლის 15 თებერვლიდან არის საერთო სასამართლოების მოსამართლე. მოსამართლედ განწესებამდე იგი მუშაობდა საქართველოს უზენაეს სასამართლოსა და ქუთაისის სააპელაციო სასამართლოების აპარატში სხვადასხვა თანამდებობაზე.

ნანა ჯოხაძეს აქვს საქმეთა განხილვის კარგი მაჩვენებელი პროდუქტიულობის კუთხით, ხოლო სტაბილურობის კუთხით საშუალოზე მაღალი მაჩვენებელი. მოღვაწეობის ბოლო 3-წლიან პერიოდში დასრულებული აქვს 779 საქმე (საშუალოდ დღეში 1 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 59,3%. ნანა ჯოხაძეს აქვს საქმეთა განხილვის საპროცესო ვადების დაცვის უმაღლესი მაჩვენებელი, კერძოდ, მას ყველა საქმე საპროცესო ვადებით აქვს განხილული.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

**კანდიდატთან გასაუბრება:**

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ნანა ჯოხაძეს გაესაუბრნენ 2021 წლის 4 ივნისს. გასაუბრება წარიმართა ღია სხდომაზე.

**კანდიდატის შეფასება:**

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი ნანა ჯოხაძე შეაფასა კომპეტენტურობისა და კეთილსინდისიერების კრიტერიუმების მიხედვით.



ნანა ჯოხაძის კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ ნანა ჯოხაძის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1017 ქულა, რაც ქულების მაქსიმალური რაოდენობის 84,75%-ია.

#### **კენჭისყრის შედეგები:**

2021 წლის 17 ივნისს ქუთაისის საქალაქო სასამართლოს სისხლის სამართლის საქმეთა კოლეგიის მოსამართლის ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, ნანა ჯოხაძემ მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 4 კანდიდატი, მათგან 1 მოქმედი მოსამართლე, 1 ყოფილი მოსამართლე და 2 იუსტიციის უმაღლესი სკოლის ყოფილი მსმენელი, კერძოდ:

1. ბებია ეკატერინე - 0 ხმა
2. კაპანაძე თორნიკე - 0 ხმა
3. ლობჯანიძე გიორგი - 0 ხმა
4. ჯოხაძე ნანა - 11 ხმა.

1 ბიულეტენი გაბათილდა.

#### **დასკვნა:**

კანდიდატ ნანა ჯოხაძის კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებდა აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, ქუთაისის საქალაქო სასამართლოს სისხლის სამართლის საქმეთა კოლეგიის მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა ნანა ჯოხაძე.

ნიკოლოზ მარსაგიშვილი

საქართველოს იუსტიციის  
უმაღლესი საბჭოს მდივანი